

1615

J^r. Carl. 12. 19. 143

LETTRE

DE

MONSEIGNEVR

LE DVC DE LONGVEVILLE.

A V ROY.

M. D C. XV.

THE

Case
F

32
326

THE UNIVERSITY
LIBRARY

1615 Lo

AV ROY

M. C. XA.

LETTRE
DE MONSIEUR LE
DUC DE LONGUEVILLE.

AV ROY.

IRE

S Estant tres-assuré que
vostre Majesté n'a point
sceu comme le Marechal
d'Ancre s'est seruy de son nom & de
son autorité, pour essayer de me faire
assassiner; comme il a dé-jà fait Prou-
uille & plusieurs autres, i'ay creu estre
de mon deuoir de l'en aduertir, & luy
dire comme Samedy dernier, son
Lieutenant nommé Longueual, avec
ceux de la Citadelle, pratiquerent deux
traistres, pour me faire mander à Cor-
bie, ou i'estois en moins de six heu-
res pour le moins douze fois, pour al-
ler à Amiens: disant qu'il estoit tres-
necessaire pour le bien de vostre serui-
ce, & a conseruation, de la ville, que

A

i'y allasse en diligence, ce que ie fis;
 tout à l'heure, bien qui feust nuiet, a-
 uec trois cheuaux seulement, ne vou-
 lât iamais perdre d'heure ny de temps,
 à me porter à toutes les choses où ie
 me croiray propre de rendre à vostre
 M. des preuues de ma fidelité, & de mô
 affection, estant arriué dans la ville,
 le peuple me vint offrir de faire garde
 deuant mon logis, ce que ie refusay,
 estant sans crainte, comme iestoï sans
 coulpe, & le lendemain comme ie dis-
 nois ceux de la Citadelle, commen-
 cerent à crier par tout aux armes, & à
 dire au peuple qu'il y auoit mil chē-
 uaux aux portes qui venoient pour les
 prendre, essayant par ce moyen de fai-
 re vne esmeute, ou ne doutant point
 que quelque peu accompagné que ie
 fusse ie ne me trouuasse, ils auoient re-
 solu l'à de me tuer, & qu'un de la par-
 tie plus homme de bien que les autres,
 ne pouuant souffrir telles méchance-

té, me donna aduis qui me fist resoudre de me saisir d'une porte, & les y attendre comme ie fis plus d'une heure, delibere de leur bien cher vendre ma vie, & leur faire paroistre ce que vaut vn homme de bien : mais eux voyant qu'ils ne pouuoient plus l'executer leur pernicleux dessein, ils m'enuoierent vne lettre qu'ils disoient (SIRE) estre de vous , par laquelle vous me declariez criminel de leze Majesté, & defendiez à toutes les villes de mon Gouuernement de me recevoir, & ce qui me fit soudain partir, bié que ie ne peusse croire vne telle iniustice, venir de vostre Majesté, veu que l'on ne me peut reprocher d'estre coupable d'aucune chose, veu que ie scay que iusques à mes pensees elles sont iustes, en ce qui est de vostre seruice, voyât aussi qu'ils n'auoiét pas l'audace de m'attaquer, & qu'ils s'amusoient seulement à se bariquader dans

la ville. Ie m'en retournay à Corbie, ou mes amis me sont venus trouuer pour empescher que l'on ne face encores quelque pareil desseing sur moy, & aussi pour ne poinct permettre que ces gens la prennent si grand force & autorité dans ceste Prouince, que quelque iour vostre Majesté n'y soit plus recogneuë n'y obeie (i'employe-ray fort librement ma vie pour m'y opposer : Mais ie la supplie aussi humblement ne vouloir point prendre part à leurs interests, n'y souffrir qu'ils abusent desormais de vostre nom, & de vostre puissance, faisant côme tous les Roys vos predecesseurs ont faict, qui est de se rendre neutre aux querelles particulieres, afin que ie puisse plus aisément m'opposer aux viollans desseings, que sans cesse ils ont sur ma vie & sur ma fortune, & ie sacrifieray apres l'un & l'autre fort fidellement pour

le service de vostre Majesté comme
estant

SIRE,

Vostre tres-humble, tres-obeïssant,
& tres-fidelle sujet & serviteur,
HENRY D'ORLEANS.

Journal of the ...

...

...

...

...

...

...

...

...